

Syarahan Mengenai Haji Dengan Bergambar “Slide”

Bahagian tabligh Qalam dengan kerjasama Persatuan Muhammadiyyah, Singapura telah mengadakan syarahan agama mengenai dengan haji dengan menggunakan gambar-gambar sebagai bahan penerangan di rumah UMNO pada malam 17 Februari yang lalu yang dihadiri ramai. Syarahan yang serupa ini, mengenai haji adalah syarahan yang pertama seumpamanya diadakan di Singapura dan penjelasan-penjelasan mengenai gambar-gambar yang ditunjukkan yang berkenaan dengan haji itu dijelaskan oleh saudara Edrus, tuan punya Qalam dengan memakan masa lebih kurang tiga jam.

Di dalam syarahan itu, dijelaskan tentang seruan-seruan kepada haji dan kewajipan-kewajipan yang mesti disempurnakan oleh calon-calon haji sebelum belajar untuk nafkah keluarga yang ditinggalkan dan untuk perbelanjaan dalam perjalanan serta menyentuh pula celaan yang didatangkan ke atas orang-orang berniat dan berhajat biar mati di Mekah, kalau boleh. Diterangkan bahawa perjalanan ke haji itu adalah perjalanan *fi sabīli Allāh* dan sudah pada tempatnya, orang-orang yang beriman akan Allah dan mengetahui kebesaran-Nya, mereka berniat biarlah mati di Mekah kerana memandang apabila waktu orang meninggal itu jenazahnya disembahyangkan oleh beratus-ratus ribu manusia, saudara-saudaranya kaum Muslimin, mendoakannya. Takkalan tidak ada di antara beratus ribu orang itu walau seorang yang tidak makbul doanya mendoakan kesejahteraan si mati.

Di dalam ceramah itu juga ditunjukkan kaedah-kaedah berihram dan ditunjukkan caranya satu persatu bagi ihram lelaki dan bagi ihram perempuan. Diberi juga penjelasan mengenai cara-cara turun dari kapal dan nasihat-nasihat mengenai berihram di Yalamlam jika jemaah itu sampainya di Jeddah tidak terus ke Madinah.

Dijelaskan juga cara melakukan tawaf dengan gambar-gambar yang menunjukkan kedudukan Kaabah, Ḥajar al-Aswad, Rukn Yamani dan bacaan-bacaan serta kaedah-kaedah tawaf.

Juga ditunjukkan kaedah-kaedah *sa’ī* di antara Safa dengan Marwah iaitu dalam perkara-perkara yang mengenai kesempurnaan haji sehingga sampai ke Arafah, Muzdalifah, Mash‘ir al-Haram, melontar jumrah al-Aqabah di Mina dan pada hari-hari yang lain kemudiannya.

Gambar-gambar tempat ziarah seperti Jabal al-Nūr (Gua Hirā'), Ta‘if, Ja‘ranah, dengan riwayat-riwayat di sekelilingnya dijelaskan. Kemudian gambar-gambar lawatan ke Madinah dan di Masjid al-Nabī dan cara-cara ziarah di Madinah di masjid itu serta ziarah tempat-tempat di keliling Madinah ditunjukkan dengan diberi penjelasan sekadarnya. Gambar-gambar dan penjelasan mengenai Baitul Maqdis dan di sekelilingnya serta makam nabi-nabi Banī Israel di al-Khalil al-Rahman (Hebron) juga ditunjukkan dan diterangkan. Gambar-gambar mengenai kebesaran kerajaan-kerajaan yang lalu seperti Parsi, kaum Thamūd (kaum Nabi Shālih) serta gambar bangkai Firaun juga ditunjukkan.

Ini semuanya adalah selain daripada menunjukkan gambar-gambar negeri Jeddah dan Raja Mekah sendiri, *al-Malik Faisal*, ditunjukkan dan dijelaskan.

Patut disebut bahawa tayangan seperti ini mulanya diadakan dalam menyambut Mikraj di rumah Jamiyah kemudian diadakan di Kampung Bedok dua kali. Pertunjukan

(Sambungan dari muka 19)

Di dalam jamuan wartawan Pulau Pinang, Tun

Abdul Razak telah membuka riwayat hubungan antara wartawan-wartawan dengan penulis-penulis dan dengannya tidak tersembunyi lagi bahawa di dalam perjuangan merebut kemerdekaan wartawan-wartawan dari satu ke suatu masa mengambil peranan yang penting.

Demikianlah sehingga berdiri negara Malaysia hingga hari ini, wartawan terus-menerus berjuang siang dan malam bekerja menyempurnakan tugas yang berfaedah kepada bangsa. Seorang meninggal, yang lain timbul dan daripada perjuangan-perjuangan itulah nampaknya sebahagian wartawan-wartawan dan penulis-penulis, yang ada sekarang ada sedikit lumayan hidupnya tetapi nasib wartawan-wartawan yang telah lalu yang hidup segan mati tak mahu di dalam masanya hilang sebagai air yang mengalir tidak terbuni dan tidak terbetik. Jasa-jasa mereka tidak dikenang dan tidak diingati. Anak buah mereka, atau anak cucu mereka tidak mendengar sedikit pun keindahan dan kata-kata manis memperingati atau menyebut jasa-jasa “kuli dakwat” yang menghadapi masyarakat, adakalanya diterima dengan manis muka adakalanya diancam dan adakalanya diugut oleh penjajah. Mereka tidak mengkecap

kelazatan dari perjuangan mereka yang siang malam bertugas untuk agama, bangsa dan tanah airnya menghadapi tali barut-tali barut penjajah dan mereka yang bertopeng untuk maslahat diri sendiri. Apa beginilah zalimnya masyarakat terhadap pejuang-pejuang pena sedang yang dijulang yang ada dan yang lama dilupakan. Beginilah masyarakat kita?

* * *

Perselisihan yang terjadi di Sarawak di antara penduduk-penduduk dengan askar-askar nampaknya dengan lawatan Tengku dapat didamaikan dengan aman dan tenteram. Yang demikian ini adalah disyukuri tetapi kata pepatah Melayu “Bekas luka itu ada parutnya”. Parutnya itulah yang patut diubati – tidak dibiarkan begitu sahaja kerana mungkin akan menjadi kudis pula. Sepanjang yang disampaikan kepada kita peristiwa itu dapat kita mengetahui terjadinya kerana “moral” golongan yang berkenaan tidak baik. Yang demikian ini ditunjukkan oleh salah seorang besar Sarawak tatkala beliau bersama-sama satu motorkar dengan penulis yang di dalam motorkar itu ada bersama-sama beberapa orang gadis beliau. Dalam berjalan itu entah bagaimana bertemu dengan sebuah lori yang berisi dengan pemuda-pemuda yang beruniform berhampiran dengan ibu kota Kuala Lumpur. Melihat gadis-gadis ada di dalam motorkar, dengan tidak mengendahkan lelaki di dalam motorkar itu, mereka pun tertawa, mengenyit mata, melambai dan sebagainya kepada gadis-gadis yang ada di dalam motorkar itu. Melihat itu orang besar itu berkata: “Inilah contohnya peristiwa yang terjadi di Sarawak.” Daripada ini dapat kira mengambil kesimpulan bahawa di dalam pasukan-pasukan itu sepatutnya ada pengajaran dan didikan moral yang boleh menjauhkan peristiwa-peristiwa yang demikian ini. Mengajar mereka itu bukannya dengan kata-kata menjaga diri dan seumpamanya tetapi hendaklah dijadikan suatu mata pelajaran pendidikan akhlak di dalam tiap-tiap mana golongan terutamanya puncanya

gambar ini terhenti kerana bulan Ramaḍan dan disambung pula majlis yang tersebut diikuti ditunjukkan di dalam beberapa rumah serta akhirnya di surau di Jalan Sri Geylang.

Pertunjukan dan syarahan dengan gambar ini adalah diberi dengan tidak dikenakan apa-apa bayaran walau sedikit pun dan sesiapa yang ingin mendengar syarahan sama ada bahagian haji dan *manāsiknya*, sejarah yang berkenaan Islam dan lain-lainnya yang berhubung dengan negara-negara Islam boleh berhubung terus kepada bahagian tabligh Qalam, 356 Geylang Road, Singapura – telefon 41118.

di sekolah-sekolah sehingga kepada semua peringkat bahagian-bahagian dan beginilah sahaja akhlak dapat dibina.

* * *

En. Sharif Ahmad, Setiausaha Politik Kementerian

Pelajaran Malaysia mengingatkan bahawa meskipun bahasa kebangsaan menjadi bahasa rasmi Malaysia, bukanlah bererti setiap orang Melayu akan mendapat keistimewaan di dalam serba-serbi jawatan. Apa yang penting, katanya, ialah pelajaran atau pengetahuan dan kerana itu orang-orang Melayu janganlah bersenang-lenang kerana bahasa Melayu menjadi bahasa kebangsaan. Peringatan ini adalah peringatan yang tulus.

Kalau kita selidiki banyak anak-anak Melayu yang tidak pandai dan tidak mahir bahasanya sendiri terutamanya mereka yang belajar di dalam sekolah-sekolah Inggeris. Mereka pandai bertutur dan bercakap Melayu tetapi mereka tidak dapat menyusun kalimah-kalimah dalam bahasa Melayu yang sempurna. Maka dinisbahkan erti kemelayuan maka timbulah pula dengan persuratannya yang bertulis Jawi. Umumnya belia-belia itu tidak mengetahui atau tidak pandai menulis Jawi lagi. Akibatnya mereka belajar dan mengaji tidak buta huruf dalam bahagian Rumi tetapi buta huruf dalam bahagian Jawi. Apabila tidak mengetahui Jawi tentulah tidak tahu membaca Qur'an walaupun seperti "burung tiung" (istilah Puan Siraj). Kalau tidak tahu membaca Qur'an dahlah akhirnya bakal menjadi *atheist* memusuhi Islam sendiri.

* * *

Penduduk beberapa buah pekan dekat Manila terpaksa makan dan minum siang malam dalam kelambu kerana pekan itu diserang dengan hebatnya oleh kumpulan-kumpulan serangga. Pekan-pekan yang diancam oleh serangga-serangga itu yang terdiri sejenis binatang-binatang kecil yang terbang, ialah Binan, Santa Rosa, San Pedro dan Kabuyau. Selain dari serangan serangga-serangga itu daerah itu diserang pula

oleh berbagai jenis ulat yang memakan pokok-pokok padi yang mulai berbuah, polis dan angkatan udara telah dihantarkan ke sana untuk menolong penduduk-penduduk yang ditimpas "bala" dari Allah itu.

* * *

UMNO cawangan Ayer Hitam, Batu Pahat, menuduh pensyarah agama di Radio Malaysia Ustaz Othman Abdullah "tak mempunyai adab sopan" kerana di dalam syarahannya beliau dikatakan hanya menyebut Muḥammad sahaja – tidak Nabi Muhammad (S.A.W).

Cawangan UMNO itu berpendapat bahawa menyebut "Muhammad sahaja" untuk Nabi kita Muhammad (S.A.W) adalah perbuatan tidak mempunyai "adab sopan santun" dan kerana itu berharap semoga perkara ini diperbaiki.

Di dalam mesyuarat cawangan itu telah memberi keputusan menghantarkan surat kepada pihak yang berkuasa Radio Malaysia di Kuala Lumpur supaya mengingatkan pensyarah-pensyarah agamanya bila menyebut nama Nabi Muhammad (S.A.W) janganlah hanya menyebut nama Muḥammad sahaja – tidak ada ulasan.

Kerajaan 'Arabiyyah Sa'udiyyah telah menyediakan sebanyak 100,000 pound Beirut kepada Jawatankuasa Sekolah Menengah Pelarian-pelarian Arab Palestin. Wang itu adalah untuk menyempurnakan pelajaran anak-anak Palestin di Beirut.

Al-Hājj Sir Ahmadu Bello, Perdana Menteri Nigeria Utara yang telah diculik orang itu dalam masa dua tahun telah berjaya memasukkan Islam 900,000 orang Afrika. Yang demikian ini dilakukannya bila-bila sahaja ada peluang yang terluang bagi melaksanakan tugasnya sebagai mubaligh Islam.